

Zeitschrift: Bündner Schulblatt = Bollettino scolastico grigione = Fegl scolastic grischun

Herausgeber: Lehrpersonen Graubünden

Band: 78 (2016)

Heft: 6: Berufswahl

Rubrik: Pagina Rumantscha

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 23.07.2025

ETH-Bibliothek Zürich, E-Periodica, <https://www.e-periodica.ch>

Els am peglian serious

«Juhe, Viola vign!», uscheia tungigl tigls scolars dall'amprema classa. Viola, chegl è per els la practicanta tg'igls accumpogna ed instruescha las proximas tschintg emdas. Viola Poltera ò 23 onns ed è carscheda se a Tinizong. Per ella è la scola primara da Savognin betg ensatge nov. Gio avant dus onns, scu er l'antschatta da chest onn da scola, ò Viola Poltera frequento en practicum ainten la scola primara Surses.

ZEGNA PITTEL-DOSCH



Igl è sa mido – u ella è sa midada

Igl amprem practicum ò Viola Poltera fatg tar ena terza classa dalla scola Surses, chegl durant igl sies amprem onn da studi ainten la scol'ota da pedagogia a Coira. Ella seia stada schinigeida e malfranca, uscheia Viola Poltera sa regurdond digls sies amprem practicum. Er vegia ella già da dumandar ple u manc tot alla persunga d'instrucziun dalla practica. Cumparaglea cun chel practicum avant dus onns vegia ella chest settember ed otgover gio püdia planisar bler cun mang liber. Per exaimpel vegia ella pudia tscherner igl

tema da realias e cò vegia ella pano da far en'amprova cun la labour libra. Per ella seia chegl sto ensatge nov ed er per las scolaras ed igls scolars dalla quarta classa. Uscheia seigl betg propi sa verifitgia chegl tg'ella vegia amprandia tgi la labour libra monta blera labour da preparaziun e persiva vegia la persunga d'instrucziun dapple peda per observar durant las lecziuns. Chegl seja digl tottafatg betg sto igl cass, durant las lecziuns vegia ella raspundia a bleras dumondas e gido. Tuttegna vegian igls unfants già plascheir dalla labour libra e vegian er luvro stupent.

Chegl tg'ella dei vala er

Allas differentas scolaras ed agls differents scolars dalla scola Surses fò Viola Poltera en bel cumplimaint. Ella seia gio la terza geda ainten chella scola e gio da bel'antschatta seja ella neida pgleida seriousa. Per exaimpel sch'ella scheia ensatge agls scolars peglian chels er a cor chegl ed i seian scolars angascheas e tgi viglian amprender ensatge. Ansasez seigl flot da puspe turnar agl madem li da practicum, simplamaintg sen en nov scalem. Cun esser gio la terza geda ainten chel menaschi da scola canoscha Viola Poltera gio l'organisaziun anturn ed anturn, scu er las otras persungas d'instrucziun. Ensatge oter spezial è francamaintg tgi la sora pi viglia da Viola Poltera instruescha er ainten la scola Surses. En avantatg seja tg'ella possa adegna dumandar alla sia sora per la si'opiniun. Pero dall'otra vart stoptga ella er far adatg da betg dumandar tot alla sia sora anstagl alla persunga d'instrucziun dalla practica.

Bagn liia è mez mano

Durant en'emda avant igl practicum on las studentas ed igls students igl taimp ed igl sustign, schi giaveischan, per preparar igls practicums. A Viola Poltera ògl plaschia fitg bagn tgi chest aton è nia sen viseta en scolast dalla Nagiadegna tg'ò musso egn tar egn scu tg'el individualisescha. Chegl seia sto stupent, betg angal teoria, mabagn exact scu tgi seia nia fatg, cun chegl tgi seia gartagea ed er chegl tg'ins pudess far migler. Ansomma è Viola Poltera cuntainta scu tg'ella vign accumpagneda dalla scol'ota da pedagogia an risguard digls practicums. Ad ella dettigl er en bung sentimaint tg'ella vegia cun igl sies mentour ena persunga da contact tgi la purschess mang an situaziuns difficilas.